



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Hoc Libello Continentvr.|| Divo Maximiliano Avgvsto
Chvnradi Cel||tis rapsōdia Lavdes Et Victoria De
Boe-||mannis Per Septem Electores Et || Regem**

Celtis, Konrad

Auguste: Vinde:, 1505

VD16 C 1897

Tomas Aretivs Cremisanvs.

urn:nbn:de:hbz:466:1-14416

Proueniet cretaeque uiris: qui pectore docto
Incipiant Italas Graiasque reuoluere musas:
Desertis studiis puerilibus: esse uiros se
Cernentes: solidis rodentes dentibus ossa.
Et rerum causas speculentur mente sagaci.
Historiasque nouas: et gesta illustria regum
Conscribent: et in acta ferent quaecumque geruntur
Principibus nostris: et tota teutonisa ora.
O me foelicem tua si uictoria signa.
Inspiciam: uolitare tuas inuicte per alpes.
Dum petis Italiam: summum accepturus honorem:
Tunc sua quisque feret nostrum tibi carmina laudum.
Scilicet imperium quod nemo potentior alter
Iustitia: et multa pietate et religione
Protegat: eo qua phoebus surgit ab ortu.
Quaque sub hesperias fertur reuolubilis undas.
Quaque austrum boreamque uidet uultu radioso.
Sed postquam toto Caesar scriberis in orbe
Et tibi cunctarum rerum donantur habentia:
Auspice te nostrae cantent maiora camena.
TOMAS ARETIUS CREMISANVS.
Turba profana sile musis infesta latinis:
Desine iam uatem dilacerare pium.
Munere grata suo celebrabunt saecula Caelen:
Aethereas arces candida fama petit.
Qui tandem multo peregrinus in orbe laborat:
Adduxit Graium Rhomulidumque notas.
Auspicio et cuius recinentes carmina musae:
Laurigerum et Phoebum clara Vienna tenet.
Clara Vienna tenet musas. ueramque sopheriam
Aemula tarpeis argolicisque scholis.
Huc cupida o lauri uenias studiosa iuuentus:
Militiae Celtis laurea ferta dabit.
At modo dulcisono crepitent caua guttura cantu